



Hello Kampus

SABAH & SARAWAK



SEBAHAGIAN pelajar Asasi Sains Unimas sesi 2013/2015 melafazkan ikrar sempena Majlis Aluan Pelajar di Kota Samarahan, baru-baru ini.



MOHAMAD Kadim Suaidi (dua dari kiri) menerima watakah aku janji daripada wakil pelajar sempena Majlis Aluan Pelajar di Universiti Malaysia Sarawak, Kota Samarahan, baru-baru ini. - IHSAN UNIMAS

721 pelajar Asasi Sains Unimas lafaz ikrar

KOTA SAMARAHAN 12 Jun - Seramai 721 penuntut program Asasi Sains Universiti Malaysia Sarawak (Unimas) sesi 2013/2015 melafazkan ikrar sempena Majlis Aluan Pelajar (MAP) di kampus universiti itu, di sini Jumaat lalu.

Lafaz ikrar oleh 441 penuntut Asasi Sains Hayat dan 280 penuntut Asasi Sains Fizikal tersebut diadakan di hadapan Naib Canselor Uni-

mas, Prof. Datuk Dr. Mohamad Kadim Suaidi.

Yang turut hadir, Timbalan Naib Canselor (Akademik & Antarabangsa), Prof. Dr. Fatimah Abang, Timbalan Naib Canselor (Penyelidikan & Inovasi), Prof. Dr. Peter Songan, Timbalan Naib Canselor (Hal Ehwal Pelajar & Alumni), Prof. Mohd. Fadzil Abdul Rahman serta Dekan Pusat Pengajian Pra-Universiti, Prof. Dr.

Sinin Hamdan.

Mohamad Kadim ketika menyampaikan amanat berkata, ikrar yang dilafazkan merupakan akuan penerimaan penuntut sebagai sebahagian daripada warga Unimas.

Sehubungan itu, katanya, setiap penuntut perlu menunaikan tanggungjawab sebagai warga universiti termasuk mematuhi Akta Universiti

dan Kolej Universiti (AUKU) 1971 dan peraturan-peraturan Unimas.

"Ikrar yang dilafazkan dan surat aku janji yang ditandatangani ini bukan bertujuan untuk mengikat, apatah lagi mengongkong kebebasan penuntut berkeaktiviti.

"Sebaliknya, ikrar dan aku janji ini adalah satu kenyataan kontrak antara penuntut dan universiti ini untuk menghargai peluang menun-

tut ilmu sekali gus menjadi pemangkin kepada penuntut untuk mengemulakan kecemerlangan," katanya.

Beliau turut menyeru semua penuntut supaya menghayati konsep 1Malaysia yang diilhamkan Perdana Menteri, Datuk Seri Najib Tun Razak untuk diamalkan dalam kehidupan seharian.

"Saya membawa konsep ini sebagai satu premis umum untuk di-

terjemahkan dalam konteks anda sebagai warga baharu Unimas dan supaya anda menghargai kepelbagaian latar belakang.

"Interaksi yang dibina sepanjang MAP seharusnya membuka minda anda untuk berdiplomasi, bukannya berkonfrontasi, bekerjasama, bukannya berburuk sangka dan berfikiran positif, bukannya negatif," katanya.